



31-10-2025

Broj: 01-04-759-1/25
Sarajevo, 30.10.2025. godine

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničko pitanje, dostavlja se.-

V E Z A: Vaš akt broj: 01-04-49840-18/25 od 15.10.2025. godine

Poštovani,

Zastupnica Danijela Kristić na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona Sarajevo postavila je sljedeće zastupničko pitanje:

„zašto Kantonalna uprava civilne zaštite Kantona Sarajevo u 2025. godini nije izvršila ažuriranje procjene ugroženosti od požara za Kanton Sarajevo, odnosno poduzela sve aktivnosti u skladu sa Programom rada za ažuriranje procjene ugroženosti od požara s obzirom da je ista glavni nosilac aktivnosti i koordinacije, a rok je bio juni 2025. godine?“

ODGOVOR:

Vlada Kantona Sarajevo je na prijedlog Kantonalne uprave civilne zaštite Kantona Sarajevo (u daljnjem tekstu: Uprava) donijela Rješenje o imenovanju radne grupe za ažuriranje procjene ugroženosti od požara Kantona Sarajevo broj: 02-04-3038-8/25 od 30.01.2025. godine (u daljnjem tekstu: Procjena), u skladu sa Metodologijom za izradu procjene ugroženosti od požara („Službene novine Federacije BiH“, broj: 8/11), a u vezi sa tačkom III Programa rada za ažuriranje procjene ugroženosti od požara Kantona Sarajevo („Službene novine Federacije BiH“, broj: 42/24).

U radnu grupu je imenovan 21 član, od čega je predsjednik radne grupe iz Uprave a 20 ostalih članova su predstavnici ministarstava, zavoda, komunalnih preduzeća i općina iz Kantona Sarajevo.

U februaru 2025. godine održan je inicijalni sastanak radne grupe gdje su se članovi radne grupe upoznali sa poslovima i zadacima koje ih očekuju i utvrđena je strategija rada na izradi Procjene. Predsjednik radne grupe je predložio, a ostali članovi su se saglasili sa prijedlogom da prvi korak u izradi Procjene bude da sve općine u Kantonu Sarajevo najkasnije do kraja mjeseca maja 2025. godine dostave Upravi svoje ažurirane Procjene u elektronskoj i printanoj formi. Nakon toga bi Uprava napravila sublimaciju svih Procjena općina u Procjenu Kantona Sarajevo, a sve dodatne informacije za izradu Procjene bi se prikupile od ministarstava, zavoda i komunalnih preduzeća iz Kantona Sarajevo.

Do danas (30.10.2025. godine) svoje Procjene su dostavile općine: Ilijaš, Centar, Hadžići, Novo Sarajevo i Ilidža. Općina Novi Grad je obavijestila Upravu da je završila ažuriranje svoje Procjene koju će u najskorije vrijeme dostaviti Upravi, dok preostale općine još nisu dostavile svoje ažurirane Procjene i Uprava nije upoznata u kojoj su fazi iste u pogledu ažuriranja svojih Procjena.

Na sastancima koje je Uprava organizirala sa predstavnicima općina sa područja Kantona Sarajevo a koji se odnose na formiranja zajedničke profesionalne vatrogasne jedinice iste su napomenute da se Upravi dostave ažurirane Procjene, ali do danas iste nisu dostavljene.

Zaključno sa današnjim danom, statističke podatke o požarnim, tehničkim i drugim intervencijama od Uprave, a koji su potrebni za izradu i ažuriranje Procjene su zatražile općine Centar, Novo Sarajevo i Novi Grad.

Iz svega predhodno navedenog, evidentno je da pojedine općine još nisu ažurirale svoje Procjene, što je veoma bitan preduslov za izradu Procjene Kantona Sarajevo.

Na dinamiku rada izrade Procjene općinskih organa Uprava ne može uticati, ali kada se Procjene svih općina dostave Upravi, odmah će se pristupiti ažuriranju Procjene Kantona Sarajevo.

S poštovanjem,

Dostavljeno:

- Naslovu;
- a/a.

